



江北運程卷二十一提綱

江南徐州府沛縣至山東兗州府滕縣境



運河東岸魚臺縣境水櫃有獨山湖

運河西岸跨魚臺沛兩縣境有昭陽湖其專屬魚臺者又別名南

陽湖

昭陽湖之西有舊運河

新河經沛縣自王家口上接魚臺縣入境起

四里

跨河 珠梅 沛縣

八里

左岸 鮎魚淺 沛縣

江北運程

卷二十一

提綱

一

六里

左岸 陶陽寺 沛縣

六里

大王廟 沛縣

池南東岸有三河口石橋河水入焉

十里

跨河 楊莊 沛縣 在沛縣城東北

六里

跨河 夏鎮 沛縣

夏鎮池南有劉昌莊

右自王家口起至劉昌莊新河行沛縣境計程四十里下

入滕縣界泇河

以上

自卷二十下冊至此

紀新河經魚臺縣沛縣境凡一百八里

江北運程卷二十一

甘泉董恂醞卿甫輯

江南徐州府沛縣至山東兗州府滕縣境

運河東岸魚臺縣境水櫃有獨山湖

漕運紀程獨山湖在運河東岸周迴一百九十六里東接山坡北受泉河諸水西南二面卽運河東岸雍正元年建束湖土隄一道留水口十九處各築草埧以時蓄洩蓄水濟運篇獨山湖卽魚臺南陽湖之東北岸也上受鄒滕沙河及魚臺各泉水口十九處各築草埧每遇伏秋水大則開埧蓄水春夏水小則放水入漕按南陽之東有獨山山下有坡厥地卑衍舊爲滕魚諸

江北運程

卷二十一

一

泉所匯歸於南陽湖自開鑿新河始蓄之爲櫃積滯不及昭陽什之二三而灌注過之則居上游之功矣明會典南陽湖在魚臺卽獨山坡匯爲湖周圍七十六里引沙河經其中入新河會典在滕縣魚臺縣界卽獨山湖周七十六里遇河水微弱自南陽北新挑河口放水濟運山東全河備考獨山湖卽南陽湖南陽之東有獨山山下有坡厥地平行卑窪舊爲滕魚諸泉所匯自新河開坡始蓄爲湖以資灌注每遇伏秋水發則奔濤傷隄水溢河漲非有以節宣之必潰隆慶二年建石隄三十餘里各留口引水入運河闊不過十餘丈有減水牐十四座大者二各

三洞小者十有二。一。淺二十一。自北而南。從一起數至二十。

一。止是爲水櫃。河防志。獨山湖在魚臺縣東三十里。滕縣沙河

諸水由京章支河西。南灌輸逕湖入運。湖。水在魚臺縣東五十里。運河東畔。春秋取鄒

田以鄒水爲界。卽此源出滕縣。述山西南麓。受諸泉水。入至滄溝

折而西。過沙河店。至黃甫。墳轉趨趙溝。西會南梁。水入漕。汴水

卽南沙河水。在滕爲二水。至魚臺境內。合爲一水。舊志不詳。原

委祇載鄒河。郡志竟以鄒專入滕。縣內正之。沙河在魚臺縣東

南五十里。逕沙河鎮。過雙龍橋。流入昭陽湖。蓋運河故道也。昔

與滕縣沙河爲一。故名。自夏鎮開運河。改昭陽東畔。此河不與

滕通。郡志猶載水從滕縣西南流入。境仍故蹟耳。魚臺黃寨諸泉水。亦由硯瓦溝逕湖

入運。硯瓦溝在魚臺縣東北三十五里。亦運河東畔。隆慶六年夏

水泛溢。乃於南陽北岸爲石隄三十餘里。減水牐十四座。自是

年。建獨山湖。束水土。隄留水口十九。各築埧以備隄防。按獨山

湖。周圍百餘里。受濟甯鄒滕諸山泉坡水。由隔隄水口入。運。張

純。南陽減水牐石隄記云。獨山地勢平衍卑窪。自朱宮保奏鑿

新河。始蓄爲湖。以資灌注。每遇伏漲。則奔濤傷隄。用石護隄三

十餘里。留口引水入運。各引渠闊不過十餘丈。水溢河漲。無宜

洩之道。則隄必潰。於是有減水牐十四。築王家口等埧。障薛水

使南趨。由豸裏出地浜溝。以洩之。築皇甫隄。導沙水北流。入南

陽湖。以蓄之。牐與隄埧次第畢舉。水得湖以爲容。湖恃隄以爲

江北運程

卷二十一

固所謂治之以不治也。前人用意深遠。至是踵而行之。春夏開  
十八水口以濟運。伏秋啟昭陽湖單插滾埧。俾獨山湖水穿運  
入昭陽湖。下達微山湖收蓄。由韓莊湖口插埧廣爲宣洩。先期  
騰空各湖以容納汎水。豫籌修防事宜。蓄洩有法。山東通志魚  
臺縣獨山在縣東四十里。獨立湖中。因名。一統志獨山在魚臺  
縣東北黃山前。巍然獨秀。故名。又有廟山。以伏羲廟故名。與獨  
山相峙。黃山在魚臺縣東北五十里。山有黃良等九泉。其後有  
雲寨山。左有鳳凰山。旁有平山。兗山。又獨山湖。在滕縣南六十  
里。接魚臺縣界。亦名南陽湖。沙河鄒泗諸水餘流所匯也。亦引

### 江北運程

#### 卷二十一

三

流入運河。明隆慶六年。於南陽北岸爲石隄三十餘里。減水插  
十四座。本朝乾隆二十四年。加修水口十八處。涵洞四座。全  
漕運道圖說。獨山湖周一百九十六里。水無定誌。受泗河白馬  
河。潮河之水。並濟魚鄒滕等州縣山泉坡水。雍正元年。偷按元  
年一本  
作九。設水口十八處。湖之水面低於運河。每年春夏。堅閉水口。

重運過竣。開放西岸十四單插。俾獨山湖之水。串運歸昭陽湖。  
霜清水落。卽將水口陸續堵閉。並簷橋泗河。截築橫埧。以資收

蓄。轉漕銜湘筆記。湖南頭幫領運千總鄒國彪來言。本年咸豐  
壬子

豐北決口。侵溢運道。漕舟南下。由新店插出運河東隄。行新被

水地至魯橋。由魯橋入獨山湖。至鮎魚澗。約九十里。內魯橋至獨山十餘里。山麓可泊。其由獨山至鮎魚澗七十餘里。并無可泊之處。由鮎魚澗入運河。行至彭口。插復由運河東隄入湖。歷郟山朱姬莊至韓莊。插計五十里。其由彭口至郟山水淺。尙非正湖。郟山地南漸深。朱姬莊多石塊樹林。韓莊以下均歸運河。國朝毓奇獨山湖上詩。湖水連天勢亦雄。湖光激澗倒晴空。西江煙雨鮎人室。南極風雲龍母宮。幾處遠山濃淡裏。數聲柔櫓有無中。忘機坐看消塵慮。無語停杯月轉東。

運河西岸跨魚臺沛兩縣境。有昭陽湖。其專屬魚臺者。又別名南陽湖。

### 江北運程

#### 卷二十一

四

漕運紀程。昭陽湖在運河西岸。居魚沛之間。魚臺爲南陽湖。沛爲昭陽湖。共長九十餘里。東岸湖隄六十四里。雍正二年。建石插十二座。三空橋二座。運河水大。則開洩入湖。蓄水濟運。篇昭陽湖一名刁陽湖。卽南濟之所匯也。上承曹縣荷澤城武單縣定陶鉅野嘉祥濟甯金鄉等九州縣坡水。及魚滕等縣泉水。積爲大瀦。自北而南。曰南陽。曰昭陽。曰棗莊。曰李家。曰郟山。曰微山。曰呂孟。曰張莊。曰韓莊。隨地異名。而以昭陽爲要領。湖水一支西南出。張谷山口。逕荆山橋。入邳濟運。一支由湖口。插入加濟運。按昭陽湖爲四大水櫃之一。昔時運道在湖之西。諸湖悉

資濟運。自新河既開。運道東徙。汶泗沂鄒。載之高地而行。西岸諸湖止。以減水。而不以進水。直至微山以南。始分流入泇。僅存一綫。然衆水恃爲尾閭。要津資其喉吻。蓋三伏三見之濟。實溥美利。而不言其功也。洩漲保運篇。南旺地脊也。北則右亢。以左爲減。南則左亢。以右爲減。恂按北右亢。西山也。南左亢。泰山也。昭陽湖在運河之西。微山湖之北。自夏鎮北至南陽。設減水牐十四。隆慶二年建。國朝雍正

二年修。凡汶泗漲溢。洩入湖內。下注微山湖。明會典。昭陽大湖長

十八里。小湖長十三里。二湖相連。北屬滕。南屬沛。周圍八十餘里。納諸縣之水。湖口置石牐。放水入薛河。由金溝口以達舊運

江北運程

卷二十一

五

河。後以河決棄沽頭於湖東。開新河。則南陽在東。昭陽在西。去黃水益遠。運河乃安。問水集。昭陽湖舊甚廣。南口建二牐。啟閉。出金溝口。以濟沽頭諸牐。嘉靖七年。黃河衝決東隄。入昭陽湖。淤漫漸高二牐。已沒入泥底。不復見湖。亦狹。而金溝口之流亦微。濬河則淤深費廣。惟湖上流北口。通雞鳴臺小河。如下口。因黃河已淤。高仰之地。更築橫隄。以益之。遏湖水。由雞鳴臺入運。則自此以至沽頭。七十里。皆可濟矣。蓋因其勢而利導之。爾。十四年。夏秋。已濬雞鳴臺口。出水入運。但下口隄。猶未修築。高厚。當培益之。更將湖東新河隔絕之泉。築埧。悉引以入湖。則水積。

而利益大矣。會典昭陽湖周圍一百八十餘里。在滕沛魚臺三縣界內。舊設減水牐十四座。恂按行水金鑑今存四遇河水泛漲。啟牐洩

水下。達微山等湖。以濟韓莊。牐東泇河運道。河防志昭陽湖在魚臺縣東南六十里。一名刁陽。故爲運河東岸。受滕縣諸泉。匯

爲巨浸。溢水沽頭。牐入運。嘉靖末。黃河東決。由運趨湖。漕渠阻塞。尙書朱衡改新渠於湖東。以避河水。隆慶六年。又於其南築

土隄二百五十餘丈。又築東西決口二隄。以防河患。自是河益南徙。不復趨湖。滕諸泉水西流入運。亦阻漕隄。不入湖內。於是

淤填日積。居民樹藝承種。謂之淤地。然西境鄰邑諸山泊水自

### 江北運程

#### 卷二十一

六

高趨下。每遇淫霖。匯爲巨浸。下流阻塞。淹沒爲災。隄防宣洩之方。所當講求者也。居濟一得會典云。昭陽湖舊設減水牐十四座。云云。愚按減水牐所以節宣運河之水。使常平者也。今所存者僅四座耳。數年以來。運河水大。不能宣洩。以致衝決隄岸。淹沒民田。其害不可勝言。皆由減水牐不復之故也。今若將舊牐修復。運道民生庶兩益矣。四省運河圖說。南陽湖周九里五分。昭陽湖周一百八十里。上承南陽湖水。並濟魚金單曹定等州縣坡水。下達微山湖。水無定誌。山東運河備覽。南陽湖周九里五分。受金單曹武等縣坡水入湖。按南陽湖各牐門。只可於冬

間開放。使獨山湖水穿運入湖。以資收蓄。春夏宜嚴行堵閉。運河之水。方不旁洩。獨山湖。今亦低於運河二三尺不等。湖口若開。能入而不能出。是以春夏之間。亦俱堅閉。惟冬間。運河乾塘。方能開放。使穿運入於南陽收蓄。沱河廳冊。昭陽湖周一百八十里。上承南陽湖。受金單曹定等縣坡水。下通微山湖。出嶧縣湖口。牯滾水。埧等處。濟運山東通志。南陽湖在魚臺縣東三十里。東爲獨山湖。南陽湖與滕縣之微山湖相連。以馬公橋分界。〔倘按全漕運道圖。南陽湖與昭陽湖相連。以馬公橋分界。〕統志。昭陽湖在沛縣東北八里。卽山陽湖。俗名刁陽湖。鄒滕二縣之水。俱匯於此。周二十九里。

江北道程

卷二十一

七

有奇。下流與薛水合。以達於泗。明永樂中。於湖口建石牯。以時蓄洩。爲漕渠之利。嘉靖四十四年。改濬運渠。出湖之東。而湖遂爲河流散溢處。又昭陽湖在滕縣西南七十里。魚臺縣東南六十里。接江南沛縣界。府志。昭陽湖卽山陽湖也。亦曰刁陽。去滕縣七十里。故爲運河東岸。受滕縣諸泉。匯爲巨浸。溢水沾頭牯入運。嘉靖末。河水東決。由運趨湖。漕渠阻塞。尙書朱衡改新渠於湖東。以避河水。又於其南築隄。以防河患。自是河益南徙。不復趨湖。泉水分流入運。亦不能越漕而西。湖水填淤。居民樹藝。其中化爲膏壤矣。張公奏議。按魚臺沛滕嶧縣接壤諸湖。共十

有四。曰昭陽。曰棗莊。曰李家。曰郝山。曰微山。曰呂孟。曰張莊。曰韓莊。曰獨山。曰馬場坡。曰常阜。曰平山。曰白山。曰南浴。倘按一本作白浴。總以昭陽爲統領。昭陽湖有大小二。在新河下流。自泇河通

資微呂諸湖。以濟韓莊東之運道。則又據上游。所受獨山諸流。從棗莊湖出李家口。其東卽棗莊湖。又東爲李家湖。其在郝山之南者爲郝山湖。又南爲微山湖。又東南爲呂孟湖。又東爲張莊湖。又東爲韓莊湖。名雖不同。實無限隔。自東北南陽埧。至西南徐境利國監。瀾漫幾二百里。俱隔在運河西岸。運道從韓莊。牐至夏鎮。計程七十里。皆遍臨諸湖。僅隔土隄一道。寬窄不齊。

### 江北運程

#### 卷二十一

八

最稱危險。其韓莊之北建有郝山減水牐。韓莊湖口牐。及護牐石隄一道。以障諸湖之水。並蓄蓄洩濟運。固歲應修治。而微湖之西南切近黃河。每有漫瀉之患。苟不堅禦。濁流一入。不獨滕嶧爲巨浸。而運道必梗。保運者所宜加意也。若獨山馬場坡二湖。在新河上游。皆自南陽橫截新河以入昭陽湖。最爲漕利。其餘小湖。徒梗緯道。與漕無益。方輿紀要沛縣昭陽湖在縣東北八里。卽山陽湖。俗稱刁陽湖。鄒滕二縣之水俱匯於此。周二十九里有奇。下流與薛水合。自金溝口達泗。明永樂中。於湖口建石牐。東西二湖口建板牐。成化中。俱易石牐。宏治中重修。以時

蓄洩爲漕渠之利。嘉靖四十四年。大河決入運河。漫入昭陽湖。因改濬運渠出湖之東。而湖爲河流散溢處矣。呂孟湖。在縣東南四十里。漕河考。縣境有張莊呂孟微山赤山諸湖。與昭陽湖並爲瀦水濟漕之處。漕運全書。乾隆四十六七年間。豫省曲家樓黃水下注。由東省曹單一帶直至南陽湖西岸。是時諸湖并漲。一經清水頂阻。勢卽散漫停淤。所有舊時之支幹各河。半多淤墊。乾隆四十九年。總漕毓奇等查勘東省諸河。除荷澤濮州定陶等處俱屬通順。其在曹縣單縣境內者。現有新沖河身。與舊河間段通連。卽可由此達彼。作爲幹河。至趙王河頭北流入

江北運程

卷二十一

九

運一股。並無停蓄之區。其中段在鄆城分支之處。久已淤墊。且地勢甚高。遇水大之年。與民田無礙。毋庸估辦。其由武城至鉅野之萬福河。金鄉之柳林河。新挑河。魚臺之新開河。舊運河。河身盡淤。而濟甯嘉祥地方。漫水倒漾。趙王河之尾段。與牛頭濬臺等河。亦多淤墊。全行估計挑挖。口寬三四五丈。底寬二三四丈。深三四尺不等。其舊運河馬公橋一帶。爲諸河合流匯入南陽湖之處。估挑口寬二十丈。馬公橋以下。卽昭陽湖西岸。舊有馬連河。引舊運河池南之水歸湖。其路稍紆。今於馬公橋下。添斜挑新河一道。長六百丈。口底三十丈。至十二丈不等。使河水

逕捷入湖。仍酌疏馬連舊河。以備多路分消。又南陽湖地北。舊有橫埧一道。加築高寬。攔蓄湖水。使之盡達下游。不致倒漾。淹及民田。至曹縣之順城河。武城之冉家河。單縣之涑河。嘉河。鉅野之蔡河。金鄉之金山河。濟甯之顧兒河。均屬支流。其中稍有積淤。應與各處之岔河小溝。及上游新沖河身內間有未平之處。俱令該管州縣。勸用民力。自行疏導。

國朝吳璫李鴻賓疏。臣等查運河廳南陽湖新開河尾馬公橋上起。至昭陽湖五里單。隔池南止。淤墊高仰。經原任河臣李亨特具奏。估挑引渠長一千六百七十丈。原估土五萬五千三百三十七方五分。該例幫價六千六百九十五兩八錢三分八釐。嗣經升任河臣戴均元查勘。所估引渠太長。形勢未能迅利。刪去土一萬八千一十三方。實估例幫價銀四千

### 江北運程

#### 卷二十一

十

五百一十六兩二錢九釐。亦經附奏。又泇河廳沛汛昭陽湖之安家口。下李家口起。至張家河口止。估撈湖渠三段。共二千五百六十丈。又滕汛新建雙孔減牐。估挑引渠四段。共長二百八十丈。嶧汛湖口埧外正西西北西南。估挑引渠三道。計五段。共長四百八十五丈。亦經李亨特於上年七月奏明。挑辦計泇河廳沛滕嶧三汛湖渠及減牐引渠。共工十二段。共長三千三百二十五丈。共估銀二千八百七十九兩二錢八分六釐。據各該廳於本年五月先後具報完工。並據運河道查驗。悉與運河道原估相符。詳送印摺。請奏。臣等復查無異。倘按此奏。在嘉慶十九年八月杪時。吳任河東總河李任副總河。薩載疏。疏臣接奉六月二十九日

上

諭。前閱明興奏到圖內南陽昭陽微山等湖。其水清澈。該處係承

受漫口下注之水。自然水泛。黃色斷無澄清之理。若其水既清。則泥沙必致淤墊湖身。將來猝遇盛漲。不能容納於運道。甚為可慮。從前薩載韓鑠等奏。稱豫省漫下之水。俱入申湖。邊下注距南陽正西八里之玉皇廟下達穀亭河。是以清濁不能混淆。等語。其所奏情形。未經目擊。不能遽信。為確實。若果如韓鑠等所奏。則下游散漫之水。并不入三湖。自有一路循流順軌。仍匯入舊黃河歸海。

何必又紛紛籌備分洩三湖如潘家屯六塘河等處廣爲設法疏濬開挑卽漫口亦無須堵築矣朕於此處甚疑之下游及湖身運道現在情形實爲慮念不置總之此事現雖有李奉翰韓鏞等在工經理而阿柱係一手督辦之人其識見自較勝於李奉翰等著傳諭日期令其自行酌量起程或由山東運河一路查看赴工俟定有日期卽行奏聞以慰朕廑注要由工之意並諭令薩載李奉翰韓鏞富勒渾明興鄭大進知之仍各將該處河湖運道情形逐一繪圖貼說詳悉奏毋稍存粉飾之見欽此伏查豫省漫口下注之水臣於上年曾經差查並親詣微山湖東西南三面看過緣微湖在南陽昭陽二湖之南沛縣在微湖之西漫水經東省數縣沿途逐漸澄淤流入微湖並沿湖邊一帶下注豐沛已屬強弩之末是以微湖與豐沛境內不見濁流臣於本年三月復差員往查所繪圖形三湖實皆清水蓋湖滿頂住黃水不致直灌入湖現今開放潘家屯張家莊各引河分洩之水及下注邳宿運河其色俱濤此臣目覩者惟漫口下注之水誠如水

聖諭應泛黃色下游既已澄濤泥沙自必停積上游亦自然之理茲臣在潘家屯親詢往來船戶咸稱魚臺池西則黃魚臺池東

### 江北運程

#### 卷二十一

十一

則濤似屬實情查微湖半屬江南半在山東其南陽昭陽二湖尤在東省境內黃水果未流入三湖停沙是否在魚臺池西今蒙

聖明垂詢河東河撫諸臣自必詳查具奏所有江南湖河運道清水情形謹繕摺由驛覆奏倘按此奏在乾隆四十七年七月六日時任江督王士徵昭陽湖詩滿湖風皺碧流離微子山前返落時閑挂笮簪泊沙觜紅霞一抹驪鸞鷁注良南陽湖夜行詩臥聽沙禽語推篷對白蘋天空雲在水風靜月窺人身世愧雌伏江湖比雁臣坐觀羣動息吾自樂天真

### 昭陽湖之西有舊運河

河程記舊運河在昭陽湖西爲牐者三日孟陽泊在縣治東元

大德八年建月河長十二丈池北八里曰八里灣明宣德八年建月河長二十七丈又北八里曰穀亭元至順二年建月河長

五十八丈。積水陂二。頃一。今皆廢。淺二十一。餘詳前卷末

新河經沛縣自王家口上接魚臺縣入境起。

漕運紀程江南沛縣主簿一員。該管河道。南自劉昌莊滕縣界

起。北至王家口。倘按卽界牌口魚臺縣界止。計長四十八里。該管沛汛

淺鋪十。曰塞子池。東夏鎮。陂上楊莊。陂下陶陽寺。百子堂。三河

口。常家口。鮎魚弦。草廟。王家口。額設淺夫四十名。張公奏議沛

縣河道。北自魚臺縣界王家口起。南至滕縣界劉昌莊止。計長

四十八里。陂座三。曰珠梅。曰楊莊。曰夏鎮。泃河廳冊沛縣主簿

汛分駐江南徐州府沛縣運河西岸夏鎮。經管河道。北自魚臺

江北運程 卷二十一 十一

縣交界王家水口起。南至滕縣交界劉昌莊止。計四十八里。所

管淺夫四十名。運河東岸接魚臺縣交界起。至王家水口止。民

堰長二百六十丈。沛字石工十一號。王家水口涵洞一座。金門

寬一丈五尺。兩岸由身各長一丈二尺。上下四雁翅各長一丈

二尺。共長七丈二尺。砌石八層。高九尺六寸。洩坡水入運。乾隆十七

年。建嘉慶四年王家水口南民堰一段。長一百四十丈。沛字石

工十號。邢家堂水口碎石裏頭二座。每座由身各長一丈六尺。

上下四雁翅各長一丈四尺。共長八丈八尺。樁內堆砌碎石。底

寬六尺。頂寬四尺。高四尺。石後填土。前底寬四尺。頂寬八尺。後

底寬八尺。頂寬一丈二尺。高四尺。上加土頂。前底寬一丈四尺。頂寬一丈。後底寬一丈八尺。頂寬一丈四尺。高二尺。洩坡水入運。乾隆二十四年建四十九年重修。嘉慶四年拆修。邢家堂下民堰長一百四十丈。沛

字土工六號隄工一段。長九丈。底寬二丈八尺。頂寬八尺。高五尺。乾隆二十四年修築四十八年補修。嘉慶四年重修。接前民堰長一百四十丈。沛字土

工五號百子堂堤工一段。長四丈。底寬四丈二尺四寸。頂寬八尺。高八尺四寸。乾隆二十四年修築四十八年補修。嘉慶四年重修。接前珠梅牯越河上

口民堰長九十七丈六尺。珠梅牯越河上。口下民堰長五十丈。運河西岸沛字土工十六號。接魚臺縣交界王家水口起。隄工

### 江北運程

#### 卷二十一

三

一段。長三百八十四丈。底寬二丈八尺。頂寬一丈。高六尺。乾隆二十四年修築四十八年補修。嘉慶四年重修。沛字土工十五號。隄工一段。長一百九十

二丈。底寬三丈一尺。頂寬一丈。高七尺。乾隆二十四年修築四十八年補修。嘉慶四年重修。張公奏議。按沛邑地處低窪。河道四十八里。係漕運要地。其

河道與山東諸山接近。一遇水發。卽患沖決。所賴呂埧一道。時

當水涸。則蓄水以濟漕。時當水溢。則洩水以便民。洩蓄得宜。庶

可無患。其如下流彭口。因流沙沖塞。每年回空糧艘過畢。例應

挑濬。挑濬則閉彭而開呂。工竣則閉呂而開彭。此呂埧在冬則

開。在春則閉。歲事修築。所費不貲。况開閉一年一次。修築未幾。

而秋水暴發。埧仍衝決。及搶修方畢。又值閉彭開呂之期。民力如是其僕僕也。又每開一次。水勢湍急。其口愈寬愈深。今呂埧之口寬至三四十丈。深至二三丈不等。田廬盡遭湮沒。將來水患愈大。修築愈難。而所費亦愈多。其將何所底止。且也。一年之間。時方水涸。而欲蓄水。或彭口之工未完。則築埧有待。時方水溢。而欲洩水。或挑濬之工未起。則開埧又不能。今呂埧之口日加深廣。儻或山水非時陡發。再有衝決。將有急不及治之虞。運道民生所關非小。今籌一勞永逸之圖。莫若建立石埧。則洩蓄爲便。然呂埧之口難以築埧。其呂埧之下舊有滿埧一座。廢棄已久。若仍於此處建築石埧。遇彭口挑濬則開滿閉彭。挑濬工完則開彭閉滿。凡遇水涸水溢。隨時啟閉蓄洩。可免非時衝決之患。可省歲歲修築之勞。上有益於漕運。下有利於民生。計誠莫善於此。但工費浩繁。現在會勘所當斟酌施行者也。

行之後不知施與否未詳

四里。跨河珠梅埧。浦縣

漕運紀程珠梅埧。明嘉靖四十五年建。循按運河備覽隆慶元年建在楊莊

埧北二十八里。埧下有月河一道。東岸進水有三河口鮎魚弦。埧務歸併楊莊埧。埧夫三十名。北至辛章橋交界入運河廳汛。

魚臺縣境全漕運道圖沛縣珠梅牐辰戌向自魚臺縣邢莊牐

至此四十四里居濟一得珠梅牐上爲山東邢莊牐舊例兩牐

不相聞問並無會牌蓋以成規久廢獨山湖與運河相連水大

時獨山湖水可以接濟故上源之水不至膠舟一遇天旱棗林

邢莊處處淺阻皆由珠梅牐放船無節洩水太過之所致也子

已將獨山湖築隄界出故此二牐須用會牌照例啟開庶水不

致於大洩若遇水小則開獨山湖口放水以助之若水太小船

隻難行須邢莊牐一啟板放船五六百或七八百然後珠梅牐

再啟板灌放則水不大洩船自易過矣水道提綱徐家營房又東南

江北運程

卷二十一

爲珠梅牐西岸昭陽湖至此而盡自棗林迤而南東百十餘里珠梅南岸卽江南沛縣界川瀆異同運

河在魚臺縣東北二十里自江南沛縣之楊莊牐三十里至珠

梅牐舊名申家牐沛縣志云在縣北四十里以上屬夏鎮分司又北四十里至利建牐屬北河分

司又二十里曰南陽牐自留城至南陽所謂新河也漕運全書

險隘處所珠梅牐俗稱宋家牐恂按萬里雲程以此爲第四十

牐泲河廳冊珠梅牐牐官一員向係楊莊牐牐官兼管乾隆四

十六年添設牐夫三十名珠梅牐一座金門寬二丈二尺兩岸

由身各長二丈二寸南岸上雁翅斜長六丈二尺下雁翅斜長

七丈北岸上雁翅斜長六丈二尺下雁翅斜長七丈九尺六寸

兩岸共長三十一丈四尺。砌石十七層。高二丈四寸。此牐南至楊莊牐三十里。明嘉靖四十五年建。雍正四年重修。乾隆四十年拆修。嘉慶四年補修。二十三年拆修。越

河一道。長一百一十三丈。運河東岸珠梅牐。下越河尾起。至白

家水口上止。民堰長四百三十九丈。沛字石工九號。白家水口

涵洞一座。金門寬一丈六尺。兩岸由身各長一丈二尺。四雁翅

各長一丈二尺。共長七丈二尺。砌石八層。高九尺六寸。洩坡水

入運。乾隆十七年建築。嘉慶二十三年修。白家水口下民堰長三百三十丈。新莊

人家北頭民堰長三百三十六丈。接前至蘇家水口。民堰長一

百四十五丈。皇甫埧一道。在運河東岸滕境。距運河三十六里。

### 江北運程

### 卷二十一

夫

建自前明。係攔截溱河之水。歸獨山湖。由滿家中水口入運。年

久埧圯。溱水由渠全注運河。鮎魚涎等處噴沙爲患。乾隆五十

六年修復舊制。溱河漲水仍歸獨山湖。沙水不致入運。皇甫埧

北口長二十二丈。鑲修防風埧工寬一丈五尺。高一丈六尺。上

加土頂高二尺。埧外簽釘排椿。埧後土埧一道。北口長二十二

丈。南口長十七丈。底寬九丈。頂寬四丈。高二丈。皇甫埧迤東原

修隄工二段。內東首一段長六丈。底寬一丈八尺。頂寬六尺。高

六尺。西首一段長二十六丈。底寬一丈四尺。頂寬六尺。高四尺。

皇甫埧迤西原修隄工長一百二十丈。底寬三丈。頂寬一丈。高

九尺。呂家坡原修隄工一段。長一百五十丈。底寬三丈。頂寬一丈。高一丈。鮎魚涎水口一道。洩坡水入運。接前至常家口大營。

基民堰長一百二十丈。接前至土工四號止。地勢高阜。並無工程。沛字土

工四號大王廟起隄工一段。長一百二丈。底寬二丈。頂寬八尺。

高八尺。乾隆二十四年修築。地勢高阜。並無工程。三河口一道。洩坡

水入運。三河口至楊莊牖。地勢高阜。並無工程。運河西岸沛字土工十四

號珠梅牖上人家內隄工一段。長一百七十丈。底寬二丈四尺

四寸。頂寬一丈。高四尺八寸。乾隆二十四年修築。四十年補修。嘉慶四年重修。接土工

十四號下民堰長八十三丈。沛字土工十三號珠梅牖上雁翅

江北運程 卷二十一 七

隄工一段。長二十丈。底寬三丈四尺九寸。頂寬一丈。高八尺三

寸。乾隆二十四年修築。四十年補修。嘉慶四年重修。沛字土工十二號人家內隄工一

段。長二十丈。底寬二丈五尺九寸。頂寬一丈。高五尺三寸。乾隆二十四年修築。四十八年補修。嘉慶四年重修。沛字土工十一號珠梅牖人家南頭隄工

一段。長三十丈。底寬二丈二尺四寸。頂寬八尺。高四尺八寸。乾

隆二十四年修築。四十八年補修。嘉慶四年重修。沛字土工十號隄工一段。長七十丈。底

寬三丈二尺。頂寬八尺。高八尺。乾隆二十四年修築。四十八年補修。嘉慶四年重修。沛字

土工九號接前隄工一段。長四百四十丈。底寬二丈六尺。頂寬

八尺。高六尺。乾隆二十四年修築。四十八年補修。嘉慶四年重修。沛字土工八號趙家莊

八尺。高六尺。乾隆二十四年修築。四十八年補修。嘉慶四年重修。沛字土工八號趙家莊

隄工一段。長二十三丈。底寬二丈六尺。頂寬八尺。高六尺。乾隆二十四年修築四十八年重修嘉慶四年重修

浦字土工七號。接前隄工一段。長一百四十四丈。底寬二丈六尺。頂寬八尺。高六尺。乾隆二十四年修築四十八年重修嘉慶四年重修

浦字土工六號。鮎魚涎隄工一段。長四百三十四丈。底寬二丈六尺。頂寬八尺。高六尺。乾隆二十四年修築四十八年重修嘉慶四年重修

浦字土工五號。接前隄工一段。長五十六丈。底寬三丈二尺。頂寬八尺。高八尺。乾隆二十四年修築四十八年重修嘉慶四年重修

浦字土工四號。鮎魚涎南隄工一段。長三十丈。底寬一丈五尺五寸。頂寬八尺。高二尺五寸。乾隆二十四年修築四十八年重修嘉慶四年重修

浦字土工三號。常家口起隄工一段。長八十五丈。底寬一丈五尺五寸。頂寬八尺。高二尺五寸。乾隆二十四年修築四十八年重修嘉慶四年重修

接前至浦字土工二號。民堰長四百七十丈。浦字土工二號。隄工一段。長三十五丈。底寬三丈三寸。頂寬八尺。高七尺五寸。乾隆二十四年修築四十八年重修嘉慶四年重修

浦字土工一號。常家口南隄工一段。長一百三十三丈。底寬一丈四尺。頂寬八尺。高二尺。乾隆二十四年修築四十八年重修嘉慶四年重修

國朝葉觀潮疏浦汛珠梅橋一座。建自前明於雍正四年。拆此後雖節次擇要粘補。而橋底椿木經歷年久。全行朽腐。由身雁翅兩牆石均形蟄陷。槽石跟墊錯縫。多有脫落。不能啟閉。均應通身拆修。前經運河道廳估辦。駁減茲臣親赴查驗。實係應辦之工。並據遵照減估。選舊添新。連築堤及挑挖月河。實估例幫二價銀九千七百八十五兩。接工確覈無浮。

江北運程

卷二十一

丈

懇准司庫撥項趕辦。按此奏在嘉慶二十二年十一月杪時任東河總河。

八里。左岸。鮎魚淺。沛縣。

轉漕衡湘筆記全漕運道圖作鮎魚涎。張公奏議圖作鮎魚弦。

明穆宗實錄。隆慶元年六月乙酉。新河鮎魚口等處山水暴決。

卽此。吳謫人言。公牘皆作涎。水道提綱。珠梅又東南有郭河自

東北來注之。郭河卽古郭水出滕縣東南高山西流有三水自東北來會折西南流經縣南境又西至常家口北

入運河。按以諸圖考之。郭河入運之口卽鮎魚涎。續行水金鑑亦言郭河卽鮎魚涎河。

六里。左岸。陶陽寺。沛縣。

四省運河圖陶陽寺在東岸。其西岸池北爲常家口。水道提綱

### 江北運程 卷二十一

充

郭河自東北來注之又東爲常家口。水程細數單陶陽寺有汛。一統志

陶陽鎮在滕縣東南六十里陶山下。金史地理志沛縣有陶陽

鎮。

六里。大王廟。沛縣。

水程細數單大王廟有汛。

池南東岸有三河口。右橋河水入焉。

川瀆異同新河在舊河東三十里。舊河自留城北十二里曰

謝溝。又十里曰下沽頭。又北五里曰中沽頭。又五里爲

上沽頭。又七里爲金溝。又十里至沛縣。又北三十里曰廟

道口插。又北十八里爲湖陵城。插入魚臺縣界。而沛縣東北有昭陽湖。及沙薛諸水。皆入金溝。插注於運河。初嘉靖七年。河決曹單。侵沛。北逾漕。入昭陽湖。沙泥聚壅。運道大阻。河臣盛應期請於昭陽湖左。別開新渠。北起姜家口。南至留城。百四十餘里。以通漕船。而廷臣胡世疑亦言。宜於昭陽湖東岸。滕沛魚臺鄒縣地方之中地。名獨山。新安社諸處。別開一河。南接留城北。接沙河口。二處舊河以爲運道。而以昭陽爲河流散漫之區。所謂不與水爭地也。從之。功未畢。爲異議所阻。至是。河流變異。運道皆淤塞。朱衡謂運道之利。莫如應期所開之地。乃上言。自古治

江北運程

卷二十一

三

河惟欲避害。今之治河。兼資其利。河流出境山之北。則插河淤出徐州之南。則二洪淤。惟出自境山。至小浮橋四十餘里間。乃兩利而無害。自黃河橫流。碭山郭貫樓支河。皆已淤塞。河從華山分爲南北二支。南出秦溝。正在境山以南五里許。此誠運河之流也。惟北出沛西。及飛雲橋。逆上魚臺。爲患甚大。今議者多以復故道爲言。其不可有五。自新集至兩河口。皆平原高阜。無尺寸故道。可因。郭貫樓至龍溝一帶。頗有河形。又係新淤。無可駐足一也。河流由新集。則商邱虞城夏邑受之。由郭貫樓。則蕭陽受之。今改復故道。則魚沛之禍。復移蕭碭。二也。黃河西注華

山勢若建瓴。欲從中鑿渠挽水南。向必當築埧爲力甚難。三也。曠日持久。四也。工費告匱。五也。惟宜廣開秦溝。使下流通行。修築長隄。以防奔潰。從之。及新河成。引鮎魚諸水。薛河沙河注其。中。埧三河口。築馬家橋隄。遏水俱入於秦溝。而橫流始殺。又趕牛溝。在沛縣東北。出滕縣玉花泉。至縣界三河口。與沙薛二河合。明嘉靖中。開新河。遏之。西合鮎魚泉。注於新河。志云。鮎魚泉在縣東北三十里。皇朝通志有荆溝河來會。又東南有灑河來會。一

統志。郭水在滕縣南十五里。卽南沙河也。源出縣東北一百里。

述山西南麓。南流會黃約山諸泉。逕縣南。又西會南梁河入運。

### 江北運程

#### 卷二十一

三

河。按齊乘云。滕州南有薛河。卽古鄆水。出州東高山。春秋魯取。

洙田。自鄆水。杜注水出東海合鄉縣西南。經魯國。至高平湖陸。

縣。陶按湖陸縣本戰國宋胡陵邑。秦置湖陵縣。故城在今魚臺縣東南六十里。與江南沛縣接界。漢屬山陽郡。後漢元和初。

改曰湖陸。晉屬高平國。入泗。蓋此水也。縣志以爲水經注梁水南鄰於鄆。

卽今鄆水也。薛水去南梁遠。中隔石橋泉河。安得鄰之。以薛水。

爲古鄆水。誤矣。且縣東北述山前有分水嶺。直南至嶧山東。水。

皆東流。自崆峒山西至鳳凰嶺北。水皆北流。東海合鄉之水何。

從而入。杜注亦謬。齊乘又云。有沙河。水出鄆嶧山。皆西南至山。

陽湖。與南梁相合同入於泗。名三河口。縣志亦辨其不然。以爲。

源自嶧山者此北沙河也。西南流入泗者則南沙河。乃澗水也。舊入三河口。初不與南梁會。自漕河東徙。過其南流。而北出之。趙溝始與南梁會。合不復入三河口矣。南梁水在滕縣東北十五里。源出鈞突荆溝。二泉合而爲一。西會澗水入運河。按南梁河舊不與澗水合。而入徐州沛縣界。自明嘉靖間。運河東徙。又過水道之北。出趙溝。與南梁會。而東入於漕。齊乘明統志所言。與今河流皆不合矣。薛河在滕縣南四十里。源出寶

峯山東。諸泉匯而爲一名西江水。又西逕薛山。名薛河。又南合東江水。東江水自湖陸山西流。至雲龍山入薛河。又西南入微山湖。石橋河在滕縣南三十里。源出縣南官橋東北平地。西流過故薛城北。又繞其西。西南流至三河口入運河。按石橋河本

### 江北運程

#### 卷二十一

三

與澗薛爲三河。脩按此三河口所由名。澗既過而北。薛又過而南。今入口

者惟石橋河耳。張公奏議澗水卽南沙河。距滕縣城南十五里。出述山。南經空同山。鳳凰嶺。東過祝其城。會黃約山諸泉。折而南。過麀山西。鳳凰山東。納龜步水。龜步源發連珠山。過歐家谷。來入之。又南至華蓋山。折而西。受石溝水。石溝源自嶧山瀑布。東南至寶峯山。馬山經石溝來入之。又西至梁上村。折而南。過滄浪淵。納明河水。明河出馬山前。繞樓山。過靈邱城。來入之。又南至倉溝。折而西。至沙河店。爲黃甫埧所遏。稍北轉趨趙溝。會南梁水入漕。薛河距縣南四十里。按縣志。其原本西江水出寶

峯山南。過青蓮步。將軍步。左過高山。西折。過山亭。而永豐鳳凰二泉出。薛河南岸山麓者流入之。又西至薛山。受悟真巖茶泉水。循悟真巖南。過雲龍山。會東江水。東江水出湖陵山。西至吳戩山下。伏不見。過鐵脚山。自柳泉湧出。至觀山寺。匯爲濯筆淵。亦至雲龍山。會西江水。同爲薛河。其地卽靴頭城處也。南至斬蛟臺。折而西。經昌慮城南陶山下。瀦爲刁潭。西納玉花義河三山三泉。南經豐山。東過官橋。經薛城。至東邵爲埧。過入微山湖。舊經山陽湖。從金溝入泗。自新河開漕東徙。恐沙爲漕害。故築石埧於東邵。過之。又恐水爲埧害。開支河於奚公山西。導入南

### 江北運程

#### 卷二十一

三

明河開加河以後。仍由新河故道入漕。山東通志。郭水卽南沙河自

滕縣東北。述山西南麓發源。西南逕崆峒山。故祝其城。會黃約山諸泉。折而南。逕鳳凰山東。受龜步水。又南逕華蓋山。折而西。受石溝水。西至梁上村。又南逕滄浪淵。有明河水入之。又逕滄溝沙河店。至皇甫埧。折而稍北。趨趙溝。與南梁河會。南梁河自滕縣東北。趵突荆溝二泉發源。西流逕洪村黃山橋。又西逕躋雲橋。循故滕縣城北。又西南受絞溝水。會於郟水。西注獨山湖。由姚家口入運。薛河自滕縣南寶峯山東。匯泉爲淵。謂之西江。水南流逕青蓮步。復折而西。受永豐鳳凰二泉。又西至於薛山。

是爲薛河。受悟真巖茶泉水。又南至雲龍山。會東江水。又南逕斬蛟臺。折而西。逕故昌慮城南陶山下。瀦爲刁潭。又西納玉華三山諸泉水。西南逕豐山官橋。又西逕故薛城。分爲二支。一支由城南至東邵垣。折而東南。逕灰溝橋。至修永。牒入運。一支由城東至奚公山。受南明河水。又西至永興村。又西南逕柏山。至截沙垣。折而北。由新支河入運。河明穆宗實錄。隆慶元年八月癸未朔。工科左給事中吳時來言。臣屬者從漕河來。睹記治河之事。弊在議論繁而要實未審也。其甚者惟新河三難之說。臣請得而解之。夫黃河運河故道難復。無論已。乃今新河以三難

江北運程

卷二十一

五

稱者。豈不以馬家橋易淺。沙河易淤。薛河易衝爲患哉。臣以爲此患在委耳。源之不通。委將安屬。故治源者急也。夫新河與青原山至近也。而東竟以南費嶧鄒滕之水注焉。以一隄而捍羣流。又當大山瀉下之勢。與素號瀦水之區。能保其不潰乎。故疏濬分殺之謀宜豫也。夏村池邇數十里。地勢居高。必導水於薛河。非開支河引薛河上流以分其派。及三河口鮎魚泉諸地鑿口築隄。益以啟閉之牖。能免衝決淤塞之虞乎。故蓄洩之計宜慎也。上然其言。命尙書朱衡計處以聞。十月。衡請於東邵開支河三道以洩河流。又於東邵之上別開支河。厯東倉橋以達百

中橋鑿多裏浦諸處爲渠使水入赤山湖繇之以歸呂孟湖下  
景山而去。至沙河水築埧於支河之下令水繇此以出鮎魚泉  
而於泉之對河開塘築隄以納其流而殺其勢。己丑工科都給  
事中馬成能言。臣從新河來相度南北地勢可慮者有三。一新  
河自南陽而下至鮎魚口與三河口地形俱高水以平流積滯  
之故漫溢四野致奪樹藝之地。又諸牐半就淹沒而長隄崩潰  
未已。此上流之患可慮者也。一三河匯萬流以西注旣湍悍難  
制而其下達新河猶高屋建瓴衝擊彌甚故泥沙填壅之區澇  
則懼衝旱則懼淺。此中流之患可慮者也。一夏村以南諸牐水

江北運程

卷二十一

壹

勢高下相懸幾及一丈。啟閉之節蓄洩爲難。此下流之患可慮  
者也。以上三患皆繇三河上下地旣居高水復平行。雖目前告  
成宜逆爲未然之備。上以其疏示衡熟計以聞。南河全考三河  
口在滕縣西南五十里以上源薛河沙河趕牛溝三處之水俱  
由此會故謂之三河口。本年三河口復淤乃於薛河則築王家  
口埧多裏溝等埧。開支河引水由呂孟湖出地浜溝於沙河則  
築皇輔等埧。開支河引水會趙溝等泉出滿家湖坡入南陽湖。  
建牐九座。一名利建屬北河。其珠梅以南八牐屬夏鎮。埧十三  
處。又薛河口石埧一座。南陽湖石隄三十餘里。減水牐一十四

座山東全河備考。泲水卽南沙河。在滕縣南十五里。出寶峯山。

南經空同山。鳳凰嶺。東過祝其城。會黃約山諸泉。折而南。過麀

山西。鳳凰山東。納龜步水。龜步水源發連珠山。過歐家谷。來入

之。又南至華蓋山。折而西。受石溝水。石溝源自嶮山瀑布。東南

至寶峯山。馬山經石溝來入之。又西至梁山村。折而南。過滄浪

淵。納明河水。明河出馬山前。繞樓山。過靈邱城。來入之。又南至

倉溝。折而西。至沙河店。爲皇甫埧所過。稍北。轉趨趙溝。會南梁

水入漕。南梁河在滕縣東北十五里。右突左。荆溝合爲一流。西南至洪村。折而南。三里餘。復轉而過濟西橋。北經舊

城北。西南流。折爲九曲。西南受絞溝泉。又西會泲水入漕。薛河在滕縣南四十里。源本西江。

### 江北運程

#### 卷二十一

美

水出寶峯山。南過青蓮步。將軍步。左過高山。西折過山亭。而永

豐鳳凰二泉。出薛河南岸山麓。者流入之。又西至薛山。受悟真

巖茶泉水。循悟真巖。南過雲龍山。會東江水。東江出湖陵山。西

至吳戩山下。伏不見。過鐵脚山。自柳泉湧出。至觀山前。匯爲濯

筆淵。亦至雲龍山。會西江水。同爲薛河。其地卽靴頭城也。南至

斬蛟臺。折而西。經昌慮城南。陶山下。瀦爲刁潭。西納玉花義河

三山三泉。南經豐山。東過官橋。經薛城。至東邵爲埧。過入微山

湖。舊經山陽湖。從金溝入泗。自新河開。漕東徙。恐沙爲溝。害故

築石埧於東邵。過之。又恐水爲埧。害開支河於奚公山西。導入

南明河開迦河以後。仍由新河故道入漕。南明河卽白河俗呼捉白河。出嶧縣黑風

中諸山泉。西經梁山。奚公山。受薛河支流。同爲明河。又西至永豐村。西南經白山。入微山湖。石橋泉河在滕

縣南三十里。源出官橋東北平地。西過薛城北。又繞其南。西流

從三河口入漕。按石橋河本與鄒薛爲三河。鄒旣退而北。薛又過而南。今獨石橋泉河口。山東運

河備覽。東岸三河口發源馬蹄泉。流水入運。鮎魚涎。又名鮎魚泉。涎又作

發源滕縣玉花泉。白家口涵洞。無來源。坡水入運。漕水卽沙

河。出寶峯山。南經崆峒山。鳳凰嶺。東過祝其城。會黃約山。諸泉

過鹿。倂按諸書俱作麇。山鳳凰山。而龜步水發連珠山。過歐家谷。來入

之南。至華蓋山。而石溝水自巉山瀑布。東南至寶峯山。馬山。經

江北運程

卷二十一

毛

石溝來入之。西至梁山村。南過滄浪淵。而明河水出馬山前。繞

樓山。過全義。來入之。西至沙河店。爲皇甫埧所遏。稍北趨趙溝。

由獨山湖入運。倂按原文此下引全河備考。薛河已見上。南河全考。三河口在滕縣

西南五十里以上。源薛河。沙河。趕牛溝。三處之水。俱由此會。謂

之三河口。閻廷謨北河續記。南石橋河。卽俗稱趕牛溝水。南流

與沙薛爲三河。及沙遏而北。薛遏而南。惟此河改從佃戶屯入

漕。滕縣黃溝泉亦匯焉。南自沛縣之珠梅橋。北至魚臺之南陽

牖。長八十里。皆新河也。魚臺之泉。凡十有五。合流而至硯瓦溝。

由南陽入漕。全河備考至鮎魚涎入漕。

十里。跨河楊莊廂。在沛縣城東北。

漕運紀程楊莊廂。明嘉靖四十五年建。銜按運河備覽隆慶元年建。在夏鎮

廂北八里。廂下有月河一道。廂官一員。廂夫三十名。全漕運道

圖沛縣楊莊廂。子午向。自珠梅廂至此二十四里。水道提綱。常家

口。又東南為江南沛縣東北界之楊莊廂。銜按水程細數單作

楊家樓廂。川瀆異同。自夏鎮而北。又六里曰楊莊廂。舊名楊家樓廂。在縣

東北四十三里。河漕考。楊莊廂東北即薛河堤。又北即沙河堤。所謂沙河也。西北去滕縣五十里。又北即山東

魚臺縣境。轉漕衡湘筆記。王子十一月初七日。帆風行獨山老

湖中。將進鮎魚涎口。遇漕艘。壞所乘舟。登南昌後幫。蕭關保船。

江北運程

卷二十一

庚

泊楊家樓廂。泲河廳冊。楊莊廂官一員。廂夫三十名。楊莊廂

一座。金門寬二丈二尺。兩岸由身各長二丈。東岸上雁翅斜長

七丈。下雁翅斜長六丈五尺。西岸上下雁翅各斜長六丈五尺。

兩岸共長三十丈五尺。砌石二十三層。高二丈七尺六寸。南至

夏鎮八里。明嘉靖四十五年建。雍正十一年拆修。兩岸上雁翅乾隆十五年重修。又於嘉慶四年補修。嘉慶二十

尾各接長四丈。下雁翅尾各接長三丈。砌石六層。年拆修。楊

莊廂南起。至沛字石工八號止。地勢高阜。並無工程。沛字石工八號。河面

碎石排椿工一段。長一百二十一丈。椿內堆砌碎石。底寬五尺。

頂寬二尺。高六尺。石後築土。寬六尺。高六尺。上加土頂。底寬八

尺頂寬六尺高二尺。乾隆二十四年建四十八年嘉慶四年十九年補修沛字石工七號

戚城南門馬頭至元帝廟河面碎石排椿工一段長四十二丈

五尺椿內堆砌碎石底寬七尺頂寬四尺高七尺石後築土寬

八尺高七尺上加土頂底寬一丈二尺頂寬一丈高二尺。嘉慶四年

修建沛字石工六號三官閣河面碎石排椿工一段長二十五丈

椿內堆砌碎石底寬五尺頂寬二尺高六尺石後築土寬六尺

高六尺上加土頂底寬八尺頂寬六尺高二尺。乾隆二十四年建四十八年及

嘉慶四年十九年修沛字石工五號越河南至夏鎮插下河面碎石排椿

工一段長二百九十丈椿內堆砌碎石底寬七尺頂寬四尺高

江北運程

卷二十一

完

七尺石後築土寬八尺高七尺上加土頂底寬一丈二尺頂寬

一丈高二尺。嘉慶四年建修。陶按原冊此運河西岸接前陶

謂沛字土工一號。下紀夏鎮插詳下夏鎮插條至楊莊插。隄堰高阜楊莊插越河一道長七

十五丈五尺楊莊插下起至夏鎮插止。隄堰高阜並無工程。陶按原冊此下紀夏鎮

插下起至呂琪。陶按萬里雲程以此為第四十一插。

八國朝李逢亭吳墩疏據運河道洪範詳稱泗河廳沛縣汛楊

莊插一座建自前明迨雍正乾隆年間各拆修一次嘉慶四

年補修上六層十五年補修上五層迄今又閱數年插底椿

木朽爛兩岸金門由身及雁翅轉角各牆石多半坍塌脫落

坐壘殿裂四雁翅尾亦皆掣裂殘損插底石塊掀揭參差難

以下板擎蓄臣等查係緊要之工但覈其所估銀數較多遴

委幹練工員隨同該道逐細勘估覈減茲據詳覆除選取舊

石扣抵新料外計實估例幫價銀一萬四千二百六十餘兩

現值回空前下指日過完卽須趕緊興辦於明年鋪水  
以前普律完竣倘按此奏在嘉慶二十年九月八日

而水

一統志沛縣在徐州府西北一百一十里東西距八十八里南  
北距九十五里東至山東兗州府滕縣界八十里西至豐縣界  
八里南至銅山縣界十五里北至兗州府魚臺縣界八十里東  
南至銅山縣治一百十里西南至碭山縣界一百一十里東北  
至滕縣治一百三十里西北至魚臺縣治一百二十里江南通  
志沛縣東四十里至洛房山東滕縣界西四十里至羊鳴豐縣  
界南四十里至張家集銅山縣界北四十里至沙河山東魚臺  
縣界一統志春秋時沛邑秦置沛縣二世二年漢高帝起於此

江北運程

卷二十一

三

稱沛公後屬沛郡後漢屬沛國晉因之宋屬沛郡後魏因之北  
齊廢隋開皇十六年復置改屬彭城郡唐屬徐州五代宋因之  
金改屬邳州後屬滕州元太宗七年移滕州來治憲宗二年州  
廢復爲縣至元二年省入豐縣三年復置八年屬濟甯路十三  
年屬濟州明初還屬徐州本朝因之（圖按雍正十一年徐州升府縣仍隸焉）圖  
志沛縣衝東南至府一百二十里有夏陽一鎮巡檢駐營叢沛  
縣在徐州西北五十五里東至滕縣界五十里北至魚臺縣界  
一百二十里縣東北有漵水出滕縣流入昭陽湖東有昭陽湖  
亙四十里泉穴甚多流甚遠東北自鄒滕六十餘里發源而來

匯於此。有牖積水。若運河水淺。則開牖洩水。經金溝。過薛河。達於泗。以濟運。薛河卽古鄗水。出滕縣境。西流會昭陽湖水。至金溝口。達於泗。後開新河。築石垣橫截其流。南注微山諸湖。其自北而東爲泗水。由濟甯至沛城。東南與泡水合。運河因之。嘉靖

乙丑。循按十四年河溢塞運。尙書朱衡開新河。自是泗水亦隨東矣。

新河在縣東北四十里。嘉靖甲申。循按三年河溢塞運。戊子。循按七年

道都御史盛應期開新河。自南陽經三河口。抵留城一百四十

里。功垂成。被劾去。後河復溢。運道又塞。尙書朱衡因應期之舊

而浚是河。乃名新河。一統志沛縣城周五里。門四。濠廣二丈。明

江北運程 卷二十一

嘉靖二十二年築。本朝乾隆三年重修。江南通志沛縣古城

久湮。明嘉靖二十二年。知縣王治創築土城。周五里。高廣各二

丈。隍深廣如之。爲門四。知縣周涇繼之。壘石登壁。高廣視舊有

加。萬厯中。知縣倪民望符璽等修浚。後圯於水。知縣李汝讓整

葺。修築護城隄。山東通志沛縣江南徐州府屬。在府西北五十

五里。在運河西五十五里。

國朝趙世顯疏洩沛縣積水。疏查沛縣地勢低窪。水性就下。

山東金鄉魚臺等處之水。由沛縣昭陽湖。歷微山湖。從荆山

口出。猶兒窩入運。濟漕近因荆山口之上。茶城十字河一帶。久淤兼之。雨水屯積。低田被淹。應將十字河酌量濬深。俾有餘之水。暢流下注。期免淹沒。民田再於十字河之上。築草埧一座。若運河水小。則堵塞不放。俾水歸微山湖。出湖口牖以

濟下入牖漕運其東省運河南岸之徐家營房邱家垵一帶隄工單薄臣等移會山東巡撫設法幫築寬厚今自關帝廟起至班家山止挑河築隄工長三千四百五十七丈并築攔河草堤共估工料土方銀一萬四千八百五十三兩零請於兩淮鹽規公費銀內捐用與修餉按此奏在康熙五十七年任河道總督時疏入部議如所請速行尹繼善疏臣自省馳赴徐州於七月初四日接署撫印卽往查勘該縣地本低窪昭陽微山諸湖接連環繞東省濟泗汶滕山水奔注匯歸向有護城隄一道防水近緣東省連年雨水坡河下注過多加以去年孫家集黃流漫溢倒灌本年夏雨連綿僅恃小梁山茶城入荆山橋尾閘宣洩來多去少水勢不能驟消現委專員動項購料將護城隄工修防俟水退請帑加幫高厚以期鞏固惟疏消積水冀涸地畝播種春麥爲目下要務查湖水去路除荆山橋外尚有湖口牖一處與韓莊相近雖爲蓄水濟運亦係洩水尾閘向係山東河員經管該牖金門僅寬一丈數尺現在湖水加長濟運嫌多卽牖門長閉不能暢洩現已咨商山東河撫諸臣或添滾坝或添牖座使湖水得以暢出入運庶可望其漸涸又小梁山茶城之水俱由荆山橋

### 江北道程

#### 卷二十一

三

流入運河然必運河中無所壅庶得暢流查山東有沂河一道自北向南流入駱馬湖近因水大於邳州之盧口向西散漫入運與荆山橋洩水相阻不能通暢似此層層阻遏皆爲沛縣受病之由已委員前往盧口相度俟可動工卽撥項堵築使沂水不致入運以速湖水去路現在通盤熟籌凡於洩水有益者另行奏請辦理倘按此奏在乾隆二十二年七月十六日任兩江總督時陳宏謀甫由豫赴蘇尹兼攝撫篆疏入奉

上

諭尹繼善奏酌籌沛縣疏洩事宜一摺頗中近日形勢而沂水不使入運尤爲切要蓋諸湖向以濟運而邇年運河之水不患其少惟患其多良由決水散漫入湖致湖不能容溢而入運運益不能容并爲巨浸運艘阻滯旁邑爲災不可不亟爲籌辦其應如何設法堵築使沂水各歸駱馬湖及湖口一牖應如何添建滾坝俾得暢爲宣洩而不致橫流微山入運之處著該督等通盤詳勘繪圖具議以聞朕昨經降旨交陳宏謀高晉鶴年胡寶琮四人經理河務袁日修夢麟往來相度尹繼善原係該省總督白鍾山張師載身任總河事均一體此九人者當合爲一人庶克有濟今歲黃河順軌中泓刷汕較前深逼實爲

上蒼麻佑但荆山橋一帶仍須廣爲疏通要知此橋如許空洞皆應  
過水若如今歲經由時情景則俱爲虛設矣此事仍須責成夢麟  
令再加開濬總之尾閘多宜洩一分則上游少一分灌浸朕於河  
務一事宵旰塵念諸臣務宜共體朕懷協力同心和衷集事以副  
朕委任至意謹按是時陳任蘇撫高安撫鶴東撫胡豫撫裘夢均  
以侍郎奉使尹則江督白南河張東河朱滋年沛中懷古  
詩鴻鵠羣飛天地秋關中父老盡歸劉誰知仗劍收秦鹿竟  
以分羹激楚猴大澤會聞中夜泣新豐愛作故鄉游雉鳩一  
出英雄死風起歌臺萬里愁王克甯沛縣詩荒荒孤戍憶  
年華擾擾征車趁暮霞古社枌榆新燕子遠村雞犬舊人家  
怪雲倏起疑蹲虎夜雨時聞哭斷蛇猛士不來春草綠大風  
終日獵平沙王家齊沛中懷古詩高臺一賦大風歌三尺  
親攜古太阿社禱枌榆偕父老雲飛芒碭接關河故人道舊  
權愉極游子懷鄉感慨多咫尺斬蛇溝畔路宵聞姬泣淚滂  
沱徐緘沛縣道中詩孤菱極望與天長芒碭周遭古戰場  
馬上一時增意氣沛公從此入咸陽梁佩蘭沛中詩黃河  
西出南徐路馬首經過識沛中一代帝王還故里幾家雞犬  
入新豐天垂芒碭雲疑在山擁彭城氣已空湯沐昔時諸父

江北運程

卷二十一

老相逢誰  
爲述歌風

六里。  
河夏鎮插沛縣

漕運紀程夏鎮插明嘉靖四十五年建陶按運河備覽在韓莊  
隆慶元年建

插北七十里插下有月河一道插官一員插夫四十名自黃林

莊起北行一百六十里至夏鎮插稍南李家港口止爲東省境

內泇河運道兗州府泇河通判一員駐夏鎮轄本省嶧滕二縣

並江南沛縣河道共長二百零八里泇河廳冊夏鎮插一座金

門寬二丈二尺兩岸由身各長二丈二尺東岸上雁翅斜長六

丈七尺下雁翅斜長五丈西岸上雁翅斜長五丈五尺下雁翅

斜長六丈。兩岸共長二十七丈六尺。砌石十八層。高二丈一尺。

六寸。此牓係楊莊牓。牓官兼管。設牓夫三十名。南至彭口。牓二

十里。明嘉靖四十五年。建雍正四年。重修乾隆三十八年。拆修嘉慶四年。二十年補修。夏鎮牓。越河一

道。長一百五十九丈。沛字石工。四號康阜樓。南河面。碎石排椿

工一段。長二十五丈。椿內堆砌碎石。底寬五尺。頂寬二尺。高六

尺。石後築土。寬六尺。高六尺。上加土。頂底寬八尺。頂寬六尺。高

二尺。乾隆二十四年。建四十八年。嘉慶四年。十九年補修。沛字石工三號。華陀閣。至奶奶

廟。止河面。碎石排椿工一段。長二百二丈。椿內堆砌碎石。底寬

五尺。頂寬二尺。高六尺。石後築土。寬六尺。高六尺。上加土。頂底

### 江北運程

### 卷二十一

番

寬八尺。頂寬六尺。高二尺。乾隆二十四年。建四十八年。嘉慶四年。十九年補修。民便牓。上

民堰一段。長三十丈。民便牓一座。金門寬一丈三尺。兩岸由身

各長一丈。上下四雁翅。各斜長一丈二尺。共長六丈四尺。砌石

六層。高七尺二寸。洩坡水入運。乾隆四十八年。建嘉慶四年。拆修。民便牓下。民

堰一段。長二百七十八丈九尺。沛字石工二號。寨子上。涵洞一

座。金門寬一丈二尺。兩岸由身各長二丈三尺。上下四雁翅。各

斜長八尺。共長七丈八尺。砌石五層。高六尺。洩坡水入運。乾隆十年

建四十八年。嘉慶四年。補修二十三年。拆修。沛字土工三號。隄工一段。長一百七十

丈。底寬三丈。頂寬六尺。高六尺。乾隆二十四年。修築四十年。補修嘉慶四年。重修。接前

民堰長一百一十丈。沛字土工二號隄工一段長一百六十三丈。底寬二丈六尺。頂寬六尺。高五尺。乾隆二十四年修築。四十八年補修。嘉慶四年重修。

接前民堰長六十三丈。沛字石工一號寨子下涵洞一座。金門

寬一丈二尺。兩岸由身各長二丈三尺。上下四雁翅各斜長八

尺。共長七丈八尺。砌石五層。高六尺。洩坡水入運。乾隆十年建。四十八年及

嘉慶四年補修。寨子下涵洞民堰長二百三十五丈。沛字土工

二十二年拆修。一號隄工一段長十丈。底寬二丈八尺。頂寬六尺。高五尺。乾隆

二十四年修築。四十八年補修。嘉慶四年重修。接前至劉昌莊交界止。民堰長六百六丈。

運河西岸。夏鎮牖下起至呂垵。並無工程。夏鎮牖南呂垵一道。原長

江北運程

卷二十一

二十二丈三尺。底寬三丈三尺五寸。頂寬二丈。每逢騰汛彭口

挑河開通放水入湖。工完仍即堵閉。嗣於垵北十四丈三尺內

建修呂垵三孔橋滾水石垵一座。金門三孔。每孔寬一丈五尺。

修做雙槽。南北裏頭。由身各長二丈。上下四雁翅各斜長二丈

五尺。中砌石垛二座。由身各長二丈二尺。分水尖各長七尺。後

尾各寬一丈二尺。共長二十八丈。砌石十層。高一丈二尺。垵脊

二層。長十二丈。寬四丈。如長河水深五尺以外。將板漫垵入湖。

水小將板攔蓄。其南首垵身八丈。仍留為冬挑空水之路。嘉慶

二十三年呂垵外支河一道。長五百三十丈。呂垵下至斷隄口民堰

建修

長一千一百七十丈。沛字石工一號斷隄口碎石隄工一段。長二十丈。湖面昭陽堆砌碎石坦坡。底寬五尺。頂寬三尺。高四尺。石後築土。底寬二丈五尺。頂寬一丈五尺。高四尺。上加土。頂底寬一丈八尺。頂寬六尺。高四尺。嘉慶四年建修接前至劉昌莊交界止。民堰長一百七十丈。治水筌蹄。夏鎮新河馬家橋之左。呂孟微山諸湖夏水泛漲。外傷漕隄。內淹民田者。徐州七分。滕縣二分。嶧縣一分。公私未便也。余自北隄漸家堰至鐵河止。開水口。建石牯。宣洩湖水。以左出民田。右濟漕河。而夫役以履畝出之二年乃成。又夏鎮新河。萬世之計也。往牯由南陽穀亭沽頭沛縣出。

江北運程

卷二十一

美

留城地勢太卑。視南陽以上高下相懸。各牯水峻故多淺。又昭陽湖在其東。黃水每踰漕趨昭陽。故牯河多淤。隆慶初。朱少保開南陽至留城一百四十里。地故聳與南陽等。置新牯焉。舊牯多沈水中。漕水大平。不患諸淺。第三湖口受沙薛二河之水。夏秋水發。流沙入漕爲梗。乃於二河上源爲皇甫東邵諸堰。遏二河入微山湖。卽沙入湖中。若石投水。新河無沙患矣。石隄累累如墉。柳陰依依若茨。樓船月夜。簫鼓中流。百里湖光。萬頃金碧。蓋不讓西湖蘇隄焉。四省運河圖說。兗州府泃河同知。經管運河南。自江南邳州交界黃林莊起。北至魚臺汛交界王家水口。

止計程二百八里。運泇考畧自汶上袁家口牖南至魚臺辛莊橋王家口止。計程二百七十五里一百八十步。張文端奏議命曰南旺南河。汶上嘉祥鉅野濟甯魚臺一州四縣。並濟甯一衛。分理河道。設兗州府運河同知轄之。治濟甯。過王家口入沛縣界。卽兗州府泇河同知所轄境矣。泇河所經。境聯二省。犬牙相錯。自王家口至黃林莊計程一百九十六里。爲沛滕嶧三縣境。皆泇河同知所轄。治夏鎮城。洵按自王家口至夏鎮。牖沛縣境內四十里。實新河也。江南沛縣王簿所司。而轄於泇河同知。故文端奏議統命之曰泇河。又按新河自南陽牖至王家口魚臺境內六十八里。詳見上卷。合此四十一里。共一百零八里。泇河自夏鎮稍南李家港起。歷八牖達黃林莊。實一

江北運程

卷二十一

三

百六十里。

洵按前一百九十六里。內除新河四十里。計餘一百五十六里。此云一百六十里。蓋據舊書舉成數而言。

沛屬江南。沛之河道則山東也。泇河共二百六十里。黃林莊地

南百里。屬江南邳州。會典明初運道經徐州呂梁二洪。懸流三

十丈。水險害通。後開泇河自夏鎮達董口共二百六十餘里。避

黃河之險三百三十里。建良城臺莊侯遷頓莊丁家廟萬年莊

張家莊德勝等牖。國朝於韓莊牖西岸增築石隄。漕運安行。

漕運紀程。沛縣主簿該管隄垸。東岸自夏鎮牖下至戚城。有板

工五段。共長五百三十丈。雍正六七等年新修。西岸夏鎮南臨

湖有滿垸呂垸。每逢彭口大小挑。開此垸洩水入微山湖。方輿

紀要沛縣夏鎮在縣東北四十里南去留城四十四里卽新河所經也有管界分司鎮焉明萬曆十六年築夏鎮城三十二年開泃河起自夏鎮經徐州東北彭家口迤於邳州東之直河口凡二百六十餘里避黃河之險者三百餘里又天啟中妖賊徐鴻儒作亂攻夏鎮至彭家口掠運船阻絕運河官軍擊却之志云分司舊駐南沽頭有沽頭城在縣東南十五里嘉靖二十二年築四十四年圯於水隆慶二年新河成始移駐夏鎮在新河西岸尋築城爲戍守處山東全河備考梅守相字春寰宣城人萬曆己丑進士任夏鎮分司自劉東星開浚韓家莊以及李化

江北運程

卷二十一

亥

龍鑿泃河功成皆守相爲之佐理其有功漕河不亞於二公也江南通志夏鎮城在縣治東北四十里新河西岸萬曆中工部主事楊信徐繼善築門四各有樓城外有濠西南有護城隄又震遠橋在夏鎮川瀆異同河渠考隆慶元年河衝濁河雞爪溝逆徐入洪繼而山水暴發淤新河三河口朱衡於薛河則築王家口多裏溝等埧開支河引水由呂孟湖出地濱溝西南入運河於沙河則築皇輔等埧開支河引水會趙溝等泉而入獨山湖注運河凡新河之爲牯九其利建牯屬北河而珠梅以南八牯屬夏鎮又減水牯凡二十埧十有三薛河口石埧一南陽湖

石隄三十餘里。又開支河凡八。旱則資以濟漕。澇則洩之昭陽。而運道盡通。所謂夏鎮河也。全漕運道圖。沛縣夏鎮。插于午向。自楊莊。插至此六里。恂按萬里雲程。以此爲第四十二。插水道。

提綱。楊莊。又東。經沛湖口。至夏鎮。插有玉花河。自東北來。注之。

玉花河。出嶧縣西北牛山。西南流五十餘里。分爲二派。北派西南。經戚城北。注運河。沛湖在夏鎮西南。自沛縣西北境。迤而東北。周圍百數十里。其支津南合縣城南之水。

皇朝通志

河來

又東。有支渠二。南流合而東南。通微山湖。又東南。經江南沛縣東北界。又東。經沛湖口。有玉花河來。會。

續行水金鑑。今按玉花河北派。由戚城北。注運河。其故道卽三河口。恂按全漕運道四省運河兩圖。夏鎮東岸有戚城故址。夏

### 江北運程

#### 卷二十一

三

鎮東西兩岸。瓦屋稠密。鎮城在運河西岸。屬沛縣。運河東岸。屬滕縣。方輿紀要。戚城在滕縣西南五十里。或曰秦縣也。二世二年。泗州守敗於薛。走至戚。卽此。漢仍置戚縣。屬東海郡。史記曹參嘗遷爲戚公。是也。後漢及晉皆爲戚縣。後廢。其城周四里。爲運道所經。有泃河。通判駐於此。一統志。戚縣故城在滕縣南七十里。乃秦縣也。漢屬東海郡。後漢及晉因之。後廢。漢書高帝紀。

秦二世二年十一月。沛公引兵之薛。秦泗州守壯兵敗於薛。走

至戚。又曹參傳。遷爲戚公。屬碭郡。注。顏師古曰。爲戚縣之令。府

志。故戚城周圍四里。今泃河通判駐此。泃河廳冊。兗州府泃河

同知一員。駐劄兗州府滕縣漆城地方。原設通判。乾隆三十八年改設同知。經管沛滕嶧三汛河道。北自魚臺縣交界王家水口起。南至江南邳州黃林莊交界止。計二百八里。所屬沛滕嶧三汛。沭河千總。珠梅楊莊彭口韓莊萬年頓莊臺莊七廂官。並兼管邳城縣主簿。共十員。山東運河備覽。山東運河。由江南下邳梁王城至黃林莊入山東嶧縣境。爲兗州府沭河通判所轄。其地當漕運入境首程。事務頗繁。兼以微山一湖瀦洩事宜。經理不易。乾隆三十九年。河督姚立德奏請改設同知。卽以駐劄邳城之沂河同知改爲通判。

### 江北運程

#### 卷二十一

卑

明朱睦㮮夏鎮新河記。惟嘉靖乙丑之冬。上以河決徐沛。漕渠不通。乃集諸公卿暨百執事之臣議舉。可以治水者。僉以大司空萬安鎮山朱公請。詔命之。錫以璽書。若曰。黃水泛溢。靡有底止。轉漕道阻。國計是艱。朕甚憂之。茲以命爾平厥水土。亦惟爾任。往哉。公祗承惟謹。既至。乃奉揚明命。戒吏飭工。咨訪羣策。已而周爰巡行。由曹濮歷蕭楊。既究厥源。復訪古法。乃會總理河道都御史潘公。總督漕運都御史馬公。巡撫山東戶部侍郎霍公。巡撫河南戶部侍郎連公。上陳於天子。曰。竊見黃河上源。旣難分導。水勢散漫。工無可施。雖湖水稍便。藉以行舟。然乾涸無常。終不可恃。獨南陽廂口直抵留城。先年會事疏鑿。間類河形。兩岸俱高。而土且堅實。三十餘年。未嘗衝決。卽今大水浩渺。亦未侵及。况河路徑直。輓輸更便。工成以後。可保無虞。此誠國家億萬年通漕之利者也。上報可。公乃徵三省官吏民夫。而經畧焉。其工役自滿家橋至三河口。以河南按察副使梁君。徐州兵備副使徐君。督之。自三河口至鮎魚泉。至山東左參政熊君。曹濮兵備副使胡君。督之。自鮎魚泉至馬家口。以河南僉事黎君。督之。自馬家口至南陽廂。以山東副使張君。督之。自白洋淺至赤龍潭。以工部

主事吳君睢陳兵備僉事董君督之自百中橋至留城以主事陳君督之其支河自薛城至東滄橋以山東副使李君陳君督之自張家寨至赤山湖以主事唐君督之自楊家莊廂至桃楊寺以郎中游君沈君朱君督之自黃甫埧至蜀山湖以主事張君督之其提調建築廂埧則郎中程君余君僉事郭君專司錢穀則戶部主事王君河南右布政陳君山東僉事劉君兼司器具舟車則僉事黎君也時工將半有浮議宜棄新河而尋復故道上遣給事中何君來視公於是復上疏謂故道不可復者有五論辨明悉且與何君議合上疑乃釋卒用其言而工告成是役也始於丙寅孟春訖於仲秋凡入閩月開新河一百四十里有奇開舊河五十里有奇又開支河九十里有奇其建廂自留城至利建凡八自南陽至佃戶屯凡十有四爲月河凡六其建埧自權城至多裏溝凡十有一薛河口一其築隄自南陽至魯橋長二萬五千二百丈內南陽東厓續築石隄長三十里有奇新莊橋土隄長一千二百六十丈有奇馬家橋隄長一萬八千丈有奇留城隄長三千六百丈有奇佃戶屯隄長五百七十丈有奇又築支河隄自東滄橋至百中橋長六千三百四十丈有奇又築曹單隄

長四十里有奇劉家樓隄長一千五百六十丈有奇且置民夫歲守之宜自是漕河利濟而國計永有攸賴矣疏聞上大悅進公太子少保歲增祿若干分董其役者郎中程君副使梁君而下各賞有差是時濟南諸生羅蘭輩過大梁請紀其事余適在制中未遑也及余禪羅生輩復來申懇踴桴尋公教最久曷敢以不文辭乃再拜而颺言曰粵自向都幽燕海陸並運國初猶因之惟我文皇帝建兩都始用尚書宋君之議開會通河四省兵民費且鉅億逾年而始克底績其後河水遷徙靡常在睿皇帝時決沙灣敬皇帝時決黃陵岡尚書石公都御史劉公相繼塞之或三四年或六七年工乃就緒厥惟艱哉乃今役不及期費不重科民不知勞國計充裕視會通沙灣黃陵之役難易久近何如哉是不可無紀也爰保之詩曰禹作貢法漕議之端自南自北輓輸維艱在昔勝國運兼海陸跋涉風濤舟車屢覆文皇嗣統肇建兩都爰采廷議溶茲漕渠作埧戴村橫互數里引汶及泗順流瀾瀾百六十年水失其行徐沛爲壑漏溢奔騰壞我民廬損我運道皇心弗甯靡獲會票僉曰司空式宏嘉謨匪伊是任孰日可圖

天子曰都爾才經世其爲予治去害而利兼爾憲秩授爾璽書星言夙駕勿憚勤劬公車旣南時屬歲杪循於水濱谷於故老舊河之東地曰留城且濬且謀胼胝經營旣分別支以殺厥勢遂遏洪流運乃大濟漕人歡呼俾獲甯居微公之來吾其魚乎曰匪台能天子明聖浮議弗行工是告竟易塞爲通轉險爲夷民便攸遂國計在茲沿沿安流帝心嘉悅晉秩青宮恩典昭赫旣奏膚功歲用屢豐被之絃管東國之風循按篇中記在事諸人均不著名今注其所知闕其所不知以俟考朱公衡潘公季馴馬公森霍公冀遲公鳳翔梁君夢龍徐君節熊君桴胡君湧張君任吳君善言唐君練游君季勳程君道東王君纘宗劉君贊何君起鳴徐階新河記先皇帝四十四年秋七月河決而東注自華山出飛雲橋截沛以入昭陽湖於是沛之北水逆流歷湖陵孟陽至穀亭四十里其南溢於徐渺然巨浸運道爲阻事聞詔舉大臣之有才識者督有司治之得今萬安朱公衡奉璽書總理其事公至駕輕舸凌風雨周視河流復沛徐之舊而時澹者爲澤淤者爲沮如疏與塞俱不得施乃召諸父老問計或曰道南陽折而東南至於夏村又東南至於留城其地高河水不能及昔中

江北運程

卷二十一

聖

丞盛公應期嘗議鑿渠不果其迹尙存公率僚屬視之果然馳疏以請先皇帝從之工旣舉而民之規利與士大夫之泥於故常者爭以爲復舊渠便先皇帝若曰茲大計不可不審敕工科右給事中何君起鳴勸議何君具言舊渠之難復者五急宜治新渠而增所未備以濟漕運詔集廷臣議僉以爲然詔報可公乃廬於夏村晝夜督諸屬程役以工授匠以式測水之平鑿高而實下導鮪魚諸泉薛沙諸河會其中垣三河口以杜浮沙之壅隄馬家橋遏河之出飛雲橋者盡入於秦溝滌泥沙使不得積凡鑿新渠起南陽迄留城凡四十一里有奇疏爲河於牖之旁者六爲土若石之垣十有二爲土隄於渠之兩涯以丈計者三萬五千八百八十有奇以里計者五十爲石隄三十里運道復通已又湖薛河之上流鑿王家口導其水入於赤山湖鑿薛城之左右導玉泉趕牛溝之水會於赤山經微山呂孟諸湖達於徐湖沙河十有二流鑿皇甫導其水入於獨山渠沿渠之東西建減水牖十有三獨山溢則洩而歸諸昭陽鑿翟家等口導其水入於尹家湖及飲馬池凡爲支河凡夾以隄六千三百四十六丈旱足以濟而潦不能爲災於是新渠之功備矣階維漕運國之大計

而轉漕獨資一綫之渠其通與塞又國之所謂大利害也河勢悍而流濁塞之則復決濬之則輒淤事在往代及我朝者弗論卽嘉靖間疏築之役屢矣而卒未有數歲之甯則今徒渠而避焉誠計所必出也然當議之初上也或以爲方命或以爲厲民誣之以重謗脇之以危言於其時公之身且不能保况復計渠之成哉賴先皇帝明聖不怒不疑徐以公論付之諫臣擇兩端之中而因得遠猷之所由是公始得竭智畢力以竟其初志而質其謀之非迂然則茲渠之成固公之功實先皇帝成之也階曩歲備員內閣嘗屢奉治河之諭邇謝政南歸復得親至新渠觀其水土而考論其事之始末追感往昔不自知涕泗之交頤也遂因公請僭爲之記恂按此記之先皇帝四十四年卽前記之嘉靖乙丑前記之丙寅則嘉靖四十五年也顧大申威城詩漢帝營六宇羣雄受羈繼徒手并秦項壯心頓房闔悲歌抱幼子飲泣訣愛妾羽翼彼已成恩寵中道歇含笑謝四公虺隤痛傷割朱顏銷禾巷旨酒摧晨獵清蹕不可期黃泉爲誰說我來威城邊蓬飛風凜列烏鴉啄城頭巢傾烏子滅不見當時人但聞水幽咽烏飛上高柯未央宮若何

### 江北運程

#### 卷二十一

皇

### 夏鎮迤南有劉昌莊

恂按張公奏議運河圖夏鎮南有李家口又南爲劉昌莊全漕

運道圖四省運河圖夏鎮南有三空橋卽呂垣三空橋漕運全書所謂俗稱南垣者是

也嘉慶二十三年建又南爲劉昌莊均在運河西岸明神宗實錄萬曆十

九年十一月癸亥工部題河道都御史潘季馴條議一浚河湖

以利漕渠謂自夏鎮插迤南起經李家口等處挑開裏河一道

計七十餘里從滿家厓西築攔河一垣使汶泗上源之水盡歸

新挑河不得洩入諸河以致勢分力弱又於李家口設減水厓

以洩沛縣積水於運道民生所利非淺著依擬行江南通志沛

縣漕運自劉昌莊四十八里至山東兗州府魚臺之王家口有  
夏鎮楊莊珠梅三插。

國朝葉觀潮添建呂垣三孔橋滾水石垣疏微湖爲東省八  
插及江省邵宿等處濟運最要之區必須廣籌收蓄常保充  
盈方可灌輸不匱除收納上游汶泗諸河及各路坡水其在  
泇河廳境所收之水以彭口十字河爲最大來源而該河每  
當山水漲發猛驟異常雖滕汛舊有雙孔二插可資分洩入  
湖而二插下游僅一引渠窄狹綿長進水不暢其朱姬馬令  
三里等減插地勢窪下湖水至一尺以外卽已高於河面不  
能進水是以南行宣洩不及大半倒漾而北茲查泇河廳沛  
汛運河西岸舊有呂垣一道築自前明在十字河以北居昭  
陽微山兩湖之中渠道廣闊逼近湖心最得建瓴之勢豈經  
開放收水著有成效惟該垣舊係土築放水日久易致剝深  
卽難一時堵合當漕運盛行之時恐河水洩枯多有窒礙臣  
因於收蓄順利之處力求經久撙節之方節經委員勘籌妥  
議據稟應建立三孔橋滾水石垣庶可操縱由人宣洩得宜

江北運程 卷二十一

畧

垂諸久遠臣仍恐該處土性是否堅實建垣能否堅久事關  
創始不可不慎之又慎復令運河道洪範同該廳及委員等  
逐細復勘據稱原寬十八丈長二十二丈三尺內南首長八  
丈爲每年冬挑開放宣洩運河底水之路十九年及本年皆  
由該處收水入湖衝跌較深根底不固未便建垣應仍留爲  
冬挑空水之路其北首長十四丈三尺以內土性堅凝卽於  
該處建立滾水石垣可期穩實以垣脊高於運河底五尺爲  
度上設三孔橋每孔寬一丈五尺共長十二丈如運河水深  
五尺以外聽其漫垣入湖以增儲蓄設有淺灘卽下板攔蓄  
以濟漕行實可歷久無弊所需料匠並築垣厚水等工摺節  
確估例幫二價銀八千四百六十九兩臣詳加體察該處建  
立橋垣土性堅實收水得勢兼可相機啟閉操縱由人實於  
漕運收潞兩有裨益委係應辦之工可垂永久所估銀數無  
浮懇准動撥司庫銀兩辦理掄按此奏在嘉慶二十三年十  
月十日時任東  
河疏入照准

右自王家口起至劉昌莊新河行沛縣境計程四十里下

入滕縣界泃河。南按漕運全書沛縣險隘處所凡四十三。

曰王家口。曰王家水口。涵洞。曰邢家堂水口。百子堂。曰珠

梅。牖上越河頭。曰牖窩。曰牖下越河尾。曰新莊。曰蘇家水

口。曰白家水口。曰砂礮口。曰鮎魚涎水口。曰常家口。曰陶

陽寺。曰裴家口。曰大王廟。曰三河口。曰舊月口。曰高土地

廟。曰楊莊牖上越河頭。曰牖窩。曰牖下越河尾。曰菜市口。

曰炭市口。曰整隄橋。曰鬼王廟。曰南門馬頭。曰臥佛寺。曰

三官閣。曰夏鎮上城河橋。曰夏鎮牖上越河頭。曰牖窩。曰

牖下越河尾。曰夏鎮下城河橋。曰華祖閣。曰泰山廟。俗稱鐵旗

江北運程

卷二十一

壘

耗

曰呂垵。俗稱南垵

曰民便廢牖。曰柳圍頭。曰寨子上涵洞。曰

寨子村。曰寨子下涵洞。曰雙碑。曰劉昌莊。又按河防志沛縣河道北自魚

臺縣界王家口起。南至滕縣界劉昌莊止。計長四十八里。

較水程細數單贏八里。萬里雲程新莊六里。珠梅牖十里。

鮎魚涎十里。大王廟二里。三河口八里。楊莊牖十里。夏鎮

有酒亭驛。有夏鎮牖八里。劉昌莊計自新莊至劉昌莊共

五十四里。較水程細數單贏十四里。

以上自卷二十下冊至此

紀新河經魚臺縣沛縣境。凡一百八里。

江北運程卷二十一終

